

四庫全書

集部

欽定四庫全書

集部

古今禪藻集卷二

詳校官庶吉士臣謝恭銘

主事銜臣徐以坤覆勘

總校官庶吉士臣倉聖脉

校對官中書臣葉 熒

騰錄監生臣任 鑑

欽定四庫全書

古今禪藻集卷二

明釋正勉釋性通同輯

唐

五言古詩

和琳法師初春法集之作

排律
誤入

慧淨 三首

鷲嶺光前選祇園表昔恭哲人崇踵武弘道會羣龍高
座登蓮葉麈尾振霜松塵飛揚雅梵風度引踈鐘靜言
澄義海叢論上詞鋒心虛道易合跡廣席難重和風動

淑氣麗日啓時雍高才揆雅什顧已濫朋從因茲仰積
善靈華庶可逢

和盧贊府遊紀國道場

日光通漢室星彩晦周朝法域從此構香閣本名堯珠
盤仰承露鳳刹俯摩霄落照侵虛牖長虹拖跨橋高才
暫騁目雲藻遂飄颻欲追千里驥終是謝連鑣

普光寺卧疾值雪簡諸舊遊

卧疴苦留滯闢戶望遙天寒雲舒復卷落雪斷還連凝

華照書閣飛素婉琴絃迴飄洛神賦皎映齊紈篇縈階
如鶴舞拂樹似花鮮徒賞豐年瑞沉憂終自憐

奉和竇使君同恭法師詠竺佛圖澄慧宣

三首

大誓憫塗炭乘機入生死中州法既弘葛陂暴亦止乳
孔光一室掌鏡徹千里道盛咒蓮華災生吟棘子埋石
緣雖謝流沙化方始

奉和詠僧肇

般若唯絕鑿涅槃固無名先賢未始覺之子唱希聲秦

王嗟理詣童壽揖詞清徹音聞廬岳精難動中京適驗
方袍裏竒才復挺生

秋日遊東山寺尋殊曇二法師

木落樹蕭慘水清流寥閭屬此悲哉氣復茲羈旅感奚
用寫煩憂山泉恣遊歷萬丈窺深澗千尋仰絕壁傍嶺
竹參差綠厓藤幕厯行行極幽邃去去逾空寂果值息
心侶喬枝方挂錫圍繞悉旃檀純良豈沙磧妙法誠無
比深經解怨敵心懽即頂禮道存仍目擊慧力幸已逢

疑網於馬折豈直祛煩惱方期拯沈溺

寶琴

僧彪

吾有一寶琴價重雙南金刻作龍鳳像彈為山水音星
從徽裏發風來絃上吟鍾期不可遇誰辨曲中心

山居雜詩

寒山子

二十
六首

重巖我卜居鳥道絕人跡庭際何所有白雲抱幽石住
茲凡幾年屢見春冬易寄語鐘鼎家虛名定何益

其二

欲得安身處寒山可長保微風吹幽松近聽聲愈好下
有斑白人喃喃讀黃老十年歸不得忘却來時道

其三

騮馬珊瑚鞭驅馳洛陽道自憐美少年不信有衰老白
髮會應生紅顏豈長保但看北邙山箇是蓬萊島

其四

巖前獨靜坐圓月當天曜萬象影現中一輪本無照廓
然神自清含虛洞玄妙因指見其月月是心樞要

其五

鸚鵡宅西國虞羅捕得歸美人朝夕弄出入在庭幃賜
以金籠貯局哉損羽衣不如鴻與鵠颺颺入雲飛

其六

富兒會高堂華燈何燁煌此時無燭者心願處其傍不
意遭排遣還歸暗處藏益人明詎損頓訝惜餘光

其七

昨夜夢還鄉見婦機中織駐梭若有思擎梭似無力呼

之回面視況復不相識應是別多年鬢毛非舊色

其八

常聞漢武帝爰及秦始皇俱好神仙術延年竟不長金
臺既摧折沙石遂滅亡茂陵與驪嶽今日草茫茫

其九

寒巖深更好無人行此道白雲高岫間青嶂孤猿嘯我
更何所親暢志自宜老形容寒暑遷心珠甚可保

其十

花上黃鶯子闌闌聲可憐美人顏似玉對此弄鳴絃
詠之能不足眷戀在韶年花飛鳥亦散灑淚春風前

其十一

君看葉裏花能得幾時好今日畏人攀明朝待誰掃可
憐嬌艷情年多轉成老將世比於花紅顏豈長保

其十二

吾家好隱淪居處絕囂塵踐草成三徑瞻雲作四隣助
歌聲有鳥問法語無人今日娑婆樹幾年為一春

其十三

去年春鳥鳴此時思弟兄今年秋菊爛此時思發生綠
水千腸咽黃雲四面平哀哉百年內腸斷憶咸京

其十四

自樂平生道煙蘿石洞間野情多放曠長伴白雲閒有
路不通世無心孰可攀石床孤夜坐圓月上寒山

其十五

時人尋雲路雲路杳無蹤山高多嶮峻澗澗少玲瓏碧

嶂前兼後白雲西復東欲知雲路處雲路在虛空

其十六

兩龜乘犢車驀出路頭戲一蠱從傍來苦死欲求寄不
載爽人情始載被沈累彈指不可論行恩却遭刺

其十七

垂柳閣如煙飛花飄似霰夫居離婦州婦住思夫縣各
在天一涯何時復相見寄語明月樓莫貯雙飛燕

其十八

桃花欲經夏風月催不待訪覓漢時人能無一箇在朝
朝花遷落歲歲人移改今人揚塵處昔時為大海

其十九

極目兮長望白雲四茫茫鷓鴣飽服腰鸞鳳饑徬徨駿
馬放石磧蹇驢能至堂天高不可問鷓鴣在滄浪

其二十

浩浩黃河水東流長不息悠悠不見清人人壽有極苟
欲乘白雲曷由生羽翼唯當鬢皤時行住須努力

其二十一

何以長惆悵人生似朝菌那堪數十年新舊凋零盡以
此思自哀哀情不可忍奈何當奈何脫體歸山隱

其二十二

我見利智人觀者便知意不假尋文字直入如來地心
不逐諸緣意根不妄起心意不生時內外無餘事

其二十三

世事何悠悠貪生未肯休研盡大地石何時得歇頭四

時凋變易八節急如流為報火宅主露地騎白牛

其二十四

養子不經師不及都亭鼠何曾見好人豈聞長者語為
染在薰蕕應須擇朋侶五月販鮮魚莫教人笑汝

其二十五

自羨山間樂逍遙無倚托逐日養殘軀閒思無所作時
披古佛書往往登石閣下窺千尺崖上有雲盤礴寒月
冷颼颼身似孤飛鶴

其二十六

我見轉輪王千子常圍繞十善化四天莊嚴多七寶七
寶鎮隨身莊嚴甚妙好一朝福報盡猶若棲蘆鳥還作
牛領蟲六趣受業道況復諸凡夫無常豈長保生死如
旋火輪迴似麻稻不解早覺悟為人枉虛老

山居雜詩

拾得

我勸出家輩須知教法深專心求出離輒莫染貪婬大
有俗中士知非不受金故知君子志任運聽浮沉

其二

古佛路淒淒，愚人到却迷。只緣前業重，所以不能知。欲識無為理，心中不掛絲。生生勤苦學，必定覩吾師。

歸山作

喧靜各有路，偶隨心所安。縱然在朝市，終不忘林巒。四皓將拂衣，二疏能挂冠。牕前隱逸傳，每日時三看。靳尚那可論，屈原亦可歎。至今黃泉下，名及青雲端。松牖見初月，花間禮古壇。何處論心懷，世上空漫漫。

溪行即事

靈一 七首

近夜山更碧入林溪轉清不知伏牛路潭洞何縱橫曲
岸煙已合平湖月未生孤舟屢失道但聽秋泉聲

棲霞山夜坐

山頭戒壇路幽映雲巖側四面青石床一峯苔蘚色松
風靜復起月影開還黑何獨乘夜來殊非晝所得

送冽泉寺主之京迎禪和尚

禪門居此地瞻望在虛空水國月未上蒼生如夢中上

人知機士瓶錫慰樊籠彼土諸梵象嗟君揚道風

安公

彌天稱聖哲象法初繫賴弘道識行藏匡時知進退秦
王輕與舉習生重酬對學文古篆中義顯新經內法服
應華夏金言流海岱四方浮雲間更陪龍華會

林公

支公信高逸久向山林住時將孫許遊豈以形骸遇幸
辭天子詔復覽名臣疏西晉尚虛無南朝久淪悞因談

老莊意乃盡逍遙趣誰謂竹林賢風流相比附

遠公

遠公逢道安一朝棄儒服真機久消歇世教空拘束誓

入羅浮中遂棲廬山曲禪經初纂定佛語斯明

一作目名

鉢帽絕朝宗簪裾翻拜伏東林多隱士為我辭榮祿

同長孫主簿仁壽寺納涼

火入天地爐南方正何劇四郊長雲紅六合太陽赤赫
赫拂泉壑皎皎焦砂石思減祝融權期匡諸子宅因投

竹林寺一問青蓮客
心空得清涼
理證等喧寂
開襟天籟
迴步履
雨華積
微風動
珠簾惠氣入
瑤席
境鬧性方謚
塵遠趣皆適
淹駕殊未還
朱闌敞虛碧

疾愈寄友

法振 二十首

哀樂暗成疾
卧中芳月移
西山有清士
孤噓不可追
搗藥晝林靜
汲泉陰澗遲
微蹤與麋鹿
遠謝求羊知

古別離

太湖三山口
吳王在時道
寂寞千載心
無人見
春草誰

堪識怨者持此傷懷抱孤舟畏狂風一點宿煙島

步虛詞

予因覽真訣遂感西域君王笙下清冥人間未曾聞日
華鍊精魄皎皎無垢氛謂我有仙骨且令餌氤氲俯仰
媿靈顏願隨鸞鵠羣俄然動風馭縹緲歸青雲

擬古

天寶十
四年作

日出天地正煌煌闢晨曦六龍驅羣動古今無盡時夸
父亦何愚競走先自疲飲乾咸池水折盡長桑枝渴死

金元月八日
卷二
化燭火嗟嗟徒爾為空留鄧林在摧折令人嗤

夏日與綦母居士昱上人院納涼

為依爐峯住境勝增道情涼日暑不變空門風自清坐
援香實近轉愛綠蕪生宗炳青霞士如何知我名

經吳平觀

古觀秋來秀泠然屬仙飈瓊葩被脩蔓柏實滿寒條影
殿山寂寂寥天月昭昭幽情寄仙侶習定至中宵清風
聞步虛真人方上朝

冬日天目西峯過張鍊師所居

振衣逢墅泉漸見，棲閣所坎坎。山下聲幽幽，林中語仙
鄉。何代隱鄉服，言亦楚間水。洗藥苗掃雪，候山侶零葉。
聚踈籬幽花積，寒渚冥冥孤鶴性。天外時輕舉。

杼山禪居寄東溪吳處士季德

青雲何潤澤，下有賢人隱。雖入菱湖深，跡與黃鶴近。野
風吹白芷，山月搖青軫。詩祖吳州庠，到君才不盡。身當
青山秀，文體多郢聲。澄徹湘水碧，沈寥楚天清。時人格

不同至今罕知名昔賢敦師友此道獨君行既得廬霍
趣乃高雷遠情別時春風多掃盡雲山雪為君中夜起
孤坐石上月悠然遺塵想邈矣達性說故人不在茲幽
桂惜未結

贈李中丞洪

深沉閫外權奕世當榮寄地裂大將軍家傳介珪瑞至
今漳河俗猶受仁人賜公初鎮淮荆決勝無精兵重圍
逼大敵六月守孤城政用仁恕立恩由賞罰明還令麾

下士感德不顧生於時聞王師諸將兵頗瀆天子狩南
漢煙塵滿函谷純臣獨耿介下士多反覆明公仗忠節
一言感萬夫物性如疾藜化作春蘭敷見讒金被燦終
期玉有瑜移官萬里道君子情如何

奉陪陸使君長源裴端公樞春遊虎丘寺

雲水夾雙刹遙疑涌平陂入門見藏山元化何由窺曳
組探詭怪停驂訪幽竒情高氣為爽德煖春亦隨瑤草
自的爍蕙樓爭蔽虧金精發壞陵劍彩沈靈池一覽匝

天界中峯步未移應喜生公石列坐援松枝

出遊

少時不見山便覺無竒趣狂發從亂歌情來任閒步此
心誰共證笑看風吹樹

答蘇州韋使君應物

詩教殆淪缺庸音互相傾忽觀風騷韻會我宿昔情蕩
漾學海資鬱為詩人英格將寒松高氣與秋江清何必
鄴中作可為千載程受辭分堯竹萬里臨江城一到掃

煩政況今休瀆兵應憐禪家子林下寂無營跡隳世上
華心得道中精脫畧文字累免為外物嬰書衣流埃積
硯石馭蘚生恨未識君子空傳手中瓊安無誘我性始
願懲素誠為無驚驚音繼公雲和笙吟之向禪數反魄
幽松聲

酬薛員外誼苦熱行見寄

六月金數伏茲辰日在庚炎曦爍肌膚毒靄昏性情安
得奮輕翮迢遙出雲征不知天地心如何匠生成火德

燒百卉瑤草不及榮有客當此時忽貽懷中瓊捧玩煩
襟滌嘯歌善風生遲君佐元氣調使四序平中令霜不
祇火餘氣常貞江南詩騷客休吟苦熱行

白雲上人精舍尋杼山禪師兼示崔子尚何山道
上人

望遠涉寒水懷人在幽境為高皎皎姿及愛蒼蒼嶺果
見棲禪子潺湲灌真頂積疑一念破澄息萬緣靜世事
花上塵慧心中影清閑誘我性遂使煩慮屏許共林

客遊欲從山主請木棲無名樹水汲忘機井持此一日
高未肯謝箕穎夕霽山態好空月生俄頃識妙聆細泉
悟深滌清茗此心誰復得笑向西林永

同顏真卿送李侍御萼賦得荻塘路

落日車遥遥客心在歸路細草暗迴塘春泉縈古渡遺
蹤歎蕪沒遠道悲去住寂莫荻花空行人別無數

訪陸羽處士不遇

太湖東西路吳王故山前所思不可見歸鴈自翩翩何

山賞春茗何處弄春泉莫是滄浪子悠然一釣船

溪上月

秋水月娟娟初生色界天蟾光散浦澈素影動淪連何
事無心見虧盈向夜禪

山雪

夕陽在西峯疊翠縈殘雪狂風卷絮迴驚猿攀玉折何
意山中人誤報山花發

溪雲

舒卷意何窮縈流復帶空有形不累物無跡去隨風莫
怪長相逐飄然與我同

五言哭吳縣房聳明府

仁人邁厚德可謂名實全撫迹若疎曠會心極精研履
危節詎屈著論識不偏

公著道
性論

恨以榮級淺嘉猷未及

宣伊人期遠大志業難比肩昭世既合并吾君藉陶甄
奈何明明理與善徒空銓徵教或稽聖窮源及問天一
官自吳邑六翮委江壩始是牽絲日翻成徹瑟年金膏

果不就玉佩長此捐倚伏信冥昧夭壽驚後先安知忘
情子愛網素已塞為有深仁感遂令真性遷心悲空林
下淚灑秋景前夫子寡兄弟撫孤傷藐然頽雲為慘
結弔鶴共聯翩割念歸命駕訣詞向空筵樹桃陰始合
愛客位常懸恍若遠行時睨望歸朝旋悟茲歡宴隔哀
彼歲月延書帶變芳草履痕移綠錢冥期倘可逢生盡
會無緣幸願示因業曠代居運專相思轉寂寞獨往西
林泉欲見故人心時開所贈篇素高陶靖節今重楚先

賢芳躅將遺愛可為終古傳

遊元象陌

僧泚

空水朝色淨澹然湖上心舳艫輕且進江洲如可尋秋
風泗沂險落日波濤深寂寞武侯去中流方至今

短歌

子蘭 二首

日月何茫茫出沒住不得使我勇壯心少年如頃刻人
生石火光通時少淤塞四季倏往來寒暑變為賊偷人
面上花奪人頭上黑

飲馬長城窟

遊客長城下飲馬長城窟馬嘶聞水腥為浸征人骨豈
不是流泉終不成潺湲洗盡骨上土不洗骨中冤骨若
逐水流四海有還魂空流嗚咽聲聲中疑骨言

題僧夢微房

脩睦

東海日未出九衢人已行吾師無事坐苔蘚入門生雨
過閨花落風來古木聲天台頻說法石壁欠題名

臨高臺

貫休
八首

涼風吹遠念使我升高臺寧知數片雲不是舊山來故人天一涯久客殊未回鴈來不得書書寄空聲哀

古意五首

一雨火雲盡閉門心冥冥蘭花與芙蓉滿院同芳馨佳人天一涯好鳥鳴嚶嚶我有雙白壁不羨於虞卿我有徑寸珠別是天地精玩之室生白蕭洒身安輕只應天上人見我雙眼明

美人如游龍被服金鴛鴦手把古刀尺在彼白玉堂文

金八八三言
卷二
章深掣曳珂珮鳴丁當好風吹桃花片片落銀床何當
舉羽翰遠逐朱鳥翔

乾坤有清氣散入詩人脾聖賢遺清風不在惡木枝千
人萬人中一人兩人知憶在東溪日花開葉落時幾擬
以黃金鑄作鍾子期

古交如真金百鍊色不回今交如瀑流倏忽生塵埃我
恐君子氣散為松柏栽我恐荆棘花只為小人開傷心
復傷心吟上高高臺

莫輕白雲白不與風雨會莫見守羊兒謂是初平輩人
生非日月光暉豈長在一榮與一辱今古常相對不見
于公門子孫好冠蓋

少年行

自拳五色毬送入他人宅却促蒼頭奴玉鞭打一百

憶在山中時

憶在山中時丹桂花歲蕤紅泉浸瑤草日夕生華滋箬
屋開地爐翠牆挂藤衣看經竹窓邊白猿三四枝東峯

有老人眼碧頭骨竒種薤煮白石旨趣如嬰兒月上來
打門月落方始歸授我微妙訣恬然無所為別來六七
年只恐白日飛

效古

澹交

榮辱又榮辱一何翻與覆人生百歲中孰肯死前足
髮忽如絲青叢再不綠自古爭名徒黃金是誰祿

覩木平和尚

文益

木平山裏人貌古言復少相看陌路同論心秋月皎壞

衲線非蠶助歌聲有鳥城闕今日來一漚曾已曉

和王季友題九華山

神穎

衆嶽雄分楚九華鎮南朝彩翠凝空遠崔嵬寄青霄龍
潭古仙府靈藥今不凋瑩為滄海鏡煙霞作荒標造化
心數竒性狀精氣饒玉樹鬱玲瓏天籟韻簫韶寂寂尋
乳竇兢兢行石橋通泉漱雲母藉草縈香茗我住幽且
深君賞昏復朝稀逢發清唱片片凌霜颺

古今禪藻集卷二

欽定四庫全書

古今禪藻集卷三

明釋正勉釋性通同輯

唐七言古詩

寓言

寒山子

有人兮山陁雲卷兮霞纓秉芳兮欲寄路漫兮難征心
惆悵兮猶疑蹇獨立兮忠貞

輓匾擔山曉了禪師

澄忽雷

師住世兮曹谿明師寂滅兮法舟傾師談無說兮寰宇
盈師示迷途兮了義乘匾擔山色垂茲色空谷猶留曉
了名

題王喬觀傳道士所居

護國

王喬已去空山觀白雲只今凝不散壇場月露幾千年
往往笙歌下天半瀑布西行過石橋黃菁採根還採苗
路逢一人擎一盃蓼花昨夜風吹滿自言住處在東坡
白犬相隨邀我過松間石上有棋局能使樵人爛斧柯

姑蘇臺

皎然
二十
三首

古臺不見秋草萋却憶吳王全盛時
千年月照秋草上吳王在時幾回望
至今月出君不還世人空對姑蘇山
山中精靈安可覩轍跡人蹤麋鹿聚
嬋娟西子傾國容化作寒陵一堆土

望秋月

家家望秋月不及秋山望山心萬境長
寂寥夜夜孤明看月上海人皆云生
海東山人自謂出山中憂虞歡樂

皆古月月本無心同不同自從有月山不改古人望盡
今人在不知萬世今夜時孤月將誰更相待

短歌

古人若不死吾亦何所悲蕭蕭煙雨九原上白楊青松
葬者誰貴賤同一塵死生同一指人生在世共如此何
異浮雲與流水短歌行短歌無窮日已傾鄴宮梁苑徒
有名春草秋風傷我情何為不學金仙侶一悟空王無
死生

支公詩

支公養馬復養鶴率性無機多脫畧天生支公與凡異
凡情不到支公地得道由來天上仙為僧却下人間寺
道家諸子論自然此公唯許逍遙篇山陰詩友喧四座
佳句縱橫不廢禪

觀王右丞維滄洲圖歌

滄洲誤是真萋萋忽盈視便有春渚情褰裳掇芳芷颯
然風至草不動始悟丹青得如此丹青變化不可尋翻

空作有移人心猶疑雨色斜拂座乍似水涼來入襟滄
洲說近三湘口誰知卷得在君手披圖擁褐臨水時居
然不異滄洲叟

送顧處士

吳興岳可議之
女壻即況也

吳門顧子予早聞風貌真古誰似君人中黃憲與顏子
物表孤高將片雲性背時人高且逸平生好古無儔匹
醉書在篋稱絕倫神畫開廚怕飛出謝氏檀郎亦可儔
道情還似我家流安貧用晦讀書坐不見將名干五侯

知君別業長洲外欲行秋田脩吠澹門前便取轂鯨乘
腰上還將轆轤佩禪子有情非世情御苑貢餘聊贈行
滿道喧喧遇君別爭窺玉潤與冰清

花石長枕歌答張居士

楚山有石郢人琢琢成長枕知是玉全疑冰片睡恐銷
間發花叢驚不足贈子比之金琅玕瓊花爛爛浮席端
吾師遣吾不執寶今日感君因執看試叩鏗然應清律
纖塵不留蠅敢拂萬物皆因造化資如何獨負清貞質

南山有雲鵠在空長松為我生涼風高支飽詠樂其中
行住四儀皆道意不覺小乘西竺士唯將此物安坐隅
取次閒眠有禪味

夏銅椀為龍吟歌 并序

唐故太尉房公瑄早歲曾隱終南山峻壁之下往往
聞龍吟聲清而靜滌人邪想時有好事僧潛夏以五
金寫之惟銅聲酷似他日房公偶至山寺聞林嶺間
有此聲乃曰龍吟復遷於茲矣僧因之出其器以告

公公命夏之驚曰真龍吟也大歷十三載秦僧傳至
桐江予使兒童夏金放之亦不減秦聲也緇人或有
譏者予曰此達僧之事可以嬉禪爾曹無以瑣行自
拘因賦詩以見其意

逸僧夏盃為龍吟世上未曾聞此音一從太尉房公賞
遂使秦人傳至今初夏徐徐聲漸顯樂章不管何人辨
似出龍淵萬丈底乍怪聲來近而遠未必全由夏者工
聲生虛無非盃中寥亮掩清狹縈迴凌細風遙聞不斷

在煙杪萬籟無聲天境空昨向天台宿華頂秋宵一吟
更清迥能令聽者易常性憂人忘憂躁人靜今日鏗鏗
江上聞蛟螭奔飛如得羣聲過陰嶺忽成雨響駐晴天
將過雲坐來吟盡江空碧却尋向者聲無跡人生萬事
將此同暮賤朝榮動還寂

周昉長史畫毘沙門天王歌

長史畫神獨感神高步區中無兩人雅而逸高且真形
生虛無忽可親降魔大戟縮在手倚天長劔橫諸紳慈

威示物雖凜栗在德無秋唯有春吾知真像本非色此
中妙用君心得苟能下筆合神造誤點一點亦為道寫
出霜縑可舒卷何人能識此情遠秋齋清寂無外物盟
手焚香聊自展憶昔胡兵圍未解感得此神天上下至
今雲旗圖我形為君一顧煙塵清

飲茶歌送鄭容

丹丘羽人輕玉食採茶飲之生羽翼名藏仙府世空知
骨化雲官人不識雪山童子調金鐺楚人茶經虛得名

霜天半夜芳草折爛漫細華啜又生賞君茶兮祛我疾
使人胷中蕩憂慄日上香爐情未畢亂蹋虎溪雲高歌
送君出

戲題贈吳憑

予讀古人書遂識古人面不是識古人邪正心自見貴
義輕財求俗譽一錢與人便驕倨昨朝為火今為水此
道非君獨撫膺

往丹陽尋陸處士不遇

遠客殊未歸我來幾惆悵叩關一日不見人繞屋寒華
笑相向寒華寂寂徧荒阡柳色蕭蕭愁暮蟬行人無數
不相識獨立雲陽古木邊鳳翅山中思古寺魚竿村口
望歸船歸船不見見寒煙離心遠水共悠然他日相期
那可定閒僧著處即經年

江上風

江風西復東飄暴忽何窮初生虛無際稍起蕩漾中應
吹夏口檣竿折定威溢城浪花咽今朝莫怪沙岸崩昨

夜風狂捲成雪

詠史

田氏門下客馮公衆中賤一朝市義還百代名獨擅始
知下客不可輕能使主人功業成借問高車與珠履何
如疵賤一書生

少年行

翠樓春酒蝦蟆陵長安少年皆共矜紛紛半醉綠槐道
躑躅花驄驕不勝

贈吳馬處士

世人不知心是道只言道在他方妙
還如瞽者望長安長安在東望西笑

桃花石枕歌送安吉康丞

君吏桃州尚寄跡桃州採得桃花石
爛疑朝日照已舒含似春風吹未折
珪璋特達世所珍吾知此物亦其倫
應羨花開不凋悴應喜玉片無緇磷
立性堅剛平若砥君子偏將交道比
何人亦秉堅剛姿吾見君心得如此

君心所好我獨知別多見少長相思從今賞玩安左右
萬里提攜君莫辭

春夜賦得澆水囊歌送鄭明府

吳縑楚練何白哲居士持來遺禪客禪客能裁澆水囊
不用良工秉刀尺先師遺我戒無邪一慮一翻心敢賒
夕望東風思漱盟朦朧斜月懸燈紗徙倚花前漏初斷
白猿爭嘯驚禪伴玉瓶徐瀉尚涓涓澆着蓮衣水珠滿
因識仁人為官情還如澆水愛蒼生聊歌一曲與君別

莫忘寒泉見底清

白雲歌寄陸中丞使君長源

一見西山雲使人情意遠意高登詠何迢遙道妙有如
君舒卷縈空疊景多麗容衆峯峯上自為峯潔白不由
陰雨積高明肯共雜煙同萬物有形皆有著白雲有形
無繫縛黃金被鏤玉亦瑕一片飄然汗不著或逢天上
或人間人自營營雲自閒忽爾飛來暫為侶忽然飛去
莫能攀逸民對雲效高致禪子逢渠增道意白雲過物

無頗偏自是人心見同異閭闔天門宜曙看華纓作蓋
擁千官從龍合沓臨清署就日逶迤繞露寒誰憐西山
雲亭亭處幽絕座右長看非我羈手中欲攬待君說貞
白先生那得知解向山中自怡悅

洞庭山惟諒上人院堦前孤生橘樹歌

洞庭仙山但生橘不生凡木與梨栗真子無松自不栽
感得一株堦下出細葉繁枝委露新四時常綠不關春
若言此物無道性何意孤生來就人二月三月山初暖

最愛低簷數枝短
白花不用鳥銜來
自有風吹手中滿
九月十月爭破顏
金寶離離顏色殷
一夜霜晴香滿山
天生珍木異於俗
俗士來逢不敢觸
清陰獨步禪起時
徙倚枝前看不足

張伯高草書歌

伯英死後生伯高
朝看手把中山毫
先賢草律我草狂
風雲陣發愁鍾王
須臾變態皆自我
寫形類物無不可
閨風遊雲千萬朵
驚龍蹙踏飛欲墮
更覩鄧林落葉朝

狂風亂擾何飄飄
有時凝然筆空握
情在寥天獨飛鶴
有時取勢氣更高
憶得春江千里濤
張生竒絕再難遇
草罷臨風展輕素
陰慘陽舒如有道
鬼狀魑容若可懼
黃公酒壚興偏入
阮籍不嗔嵇亦顧
長安酒榜醉後書
此日騁君千里步

顧渚行寄裴芳丹

我有雲泉隣渚山
山中茶事頗相關
鷓鴣鳴時芳草死
山家漸欲收茶子
伯勞飛日芳草滋
山僧又是採茶時

由來慣采無近遠陰嶺長兮陽厓淺大寒山下葉未生

小寒山中葉初卷

二山名

吳姁攜筐上翠微蒙蒙香刺胃

春衣山迷乍可落花亂度水時驚啼鳥飛家園不遠乘
露摘歸時露綵猶滴漑初看抽出軟玉英更取金疑來

勝金液昨夜西風雨色過朝尋新茗復如何女宮露澀

青芽老堯市人稀紫筍多紫筍青芽誰得識日暮採之

長太息清冷真人待子元

清冷真人裴君與真子元為友

貯此芳香思

何極

武源行

昔年羣盜阻江東吳山動搖楚澤空齊人示戴

二字蜂疑

蠱毒美稷化為荆棘叢
匆匆四顧多窰穴浮雲白波不
妨同萬人死地當虎口
一旦生涯懸鼓中昨日將軍徇

死節悉向生昏

二字疑

陷城血胸中豹畧張陣雲握內蛇

矛揮白雪長州南去接孤城
居人散盡鼓謗疑驚三春

不見芳草色四面惟聞刁斗聲
此時狂寇紛如市君當

要衝固深壘縱橫計出皆獲全
士卒身先每輕死掃平

氛祲望吳門人閒歲美桑柘繁比屋全生受君賜連營
罷戰頂君恩如何棄置功未錄通籍無名滯江曲灞亭
不重李將軍漢爵猶輕蘇屬國荒營寂寂隱山椒春意
空驚故柳條野戰攻城只如此即今誰是霍嫖姚

聽鶯歌

靈徹 二首

新鶯傍簷曉更悲孤音清冷轉素枝口邊血出語未盡
豈是怨恨人不知不食枯桑椹不銜苦李花偶然弄樞
機婉轉凌煙霞衆雛飛鳴何跼促自覘遊蜂啄枯木玄

須何事朝夜啼白鷺長在汀洲宿黑雕黃鶴豈不高金
籠玉鈎傷羽毛三江七澤去不得風煙日暮生波濤飛
去來莫上高城頭莫下空園裏城頭鳴鳥拾羶腥空園
鷺雀爭泥滓願當結舌舍白雲五月六月一聲不可聞

歸雲門

湖邊歸鴈唳寥泚僧房半倚秦峯缺雲生幽石何逍遙
泉去疎林幾鳴咽天寒猛虎叫巖雪松下無人空有月
千年像教人不聞焚香獨為鬼神說

畚山謠

玄泰

畚山兒畚山兒無所知年年斫斷青山塌就中最好衡
嶽色杉松利斧摧貞枝靈禽楚鶴無因依白雲回避青
煙飛猿獠路絕巖厓出芝朮失根茅草肥年年斫罷仍
再鉏千秋終是難復初又道今年種不多來年更斫當
陽坡國家壽嶽尚如此不知此理如之何

詞聞於朝仍
禁延燎侵漁

酬盧仝

舍曦

長壽寺石壁盧公一首詩渴讀即不渴飢讀即不飢鯨
飲海水盡露出珊瑚枝海神知貴不知價留向人間光

照夜

行路難

貫休 十三首

君不見道傍廢井生枯樹本是驕奢貴人屋幾度美人
照影來素綆銀瓶濯纖玉雲飛雨散今如此繡闥雕甍
作芳谷鼎沸笙歌君莫誇不應長是西家哭休說遺編
行者幾至竟終須合天理敗他成此亦何功蘇張終作

多言鬼行路難路難不在羊腸裏

君不見山高海深人不測古往今來轉青碧淺近輕浮
莫與交地卑只解生荆棘誰道黃金如糞土張耳陳餘
斷消息行路難行路難君自看

君不見道傍樹有寄生枝青青鬱鬱同榮衰無情之物
尚如此為人不及還堪悲父歸墳兮不期夕已分黃金
爭田宅高堂老母頭似雪心作數枝一作淚長滴我聞

忽如負芒刺不獨為君空歎息古人尺布猶可縫潯陽

義夫令人憶寄言世上為人子孝友團圓莫如此若如此不遘死兮更何俟

邊上作

山無綠兮水無清風既毒兮沙亦腥塞外走馬疾飛鳥
聯翩射落雲中聲

陣雲忽向沙中起探得胡兵過遼水堪嗟護塞征戍兒
未戰已疑身是鬼

宿深村

行行一宿深村裏雞犬豐年鬧如市黃昏見客合家喜
月下取魚肩塘水

夜夜曲

蟋蟀切切風騷騷芙蓉噴香蟾蜍高孤燈耿耿征婦勞
更深撲落金錯刀

詈光大師草書

雪壓千峯橫枕上窮困雖多還激壯看師逸跡兩相宜
高適歌行李白詩海上驚驅山猛燒吹斷狂煙著沙草

金少府八卷三
卷三
江樓曾見落星石幾回試發將軍砲別有寒鷗掠絕壁
提上玄猿更生力又見吳牛磨角來舞槃盤刀初觸擊
好文天子揮宸翰御製本多堆玉紫晨開水殿教題壁
題罷紫衣親寵錫僧家愛詩自拘束僧家愛畫亦局促
唯師草聖藝偏高一掬山泉心便足

野田黃雀行

高樹風多吹爾巢落蒿深葉暖宜爾依泊莫近鴉類蛛
網亦惡飲野田之清水食野田之黃粟深花中睡埽土

裏浴如此即全勝啄太倉之穀而穿人之屋

善哉行

有美一人兮婉如清揚識曲別音兮令姿煌煌繡袂捧
琴兮登君子堂如彼萱草兮使我憂忘欲贈之以紫玉
尺白銀鐙久不見之兮湘水茫茫

春晚書山家主人壁

深門寂寂黍飯馨山家煙火春雨晴庭花濛濛水泠泠
小兒啼索樹上鶯

輕薄篇

繡林錦野春態相壓誰家少年馬蹄躡躡鬪雞走狗夜
不歸一擲賭却如花妾

木落蕭蕭蛩鳴唧唧不覺朱萼臉紅霜劫鬢漆世途多
事泣向秋日方今少壯不努力老大傷悲復何益

君子行

齊己九首

聖人
不生麟龍何瑞梧桐不高鳳凰何止吾聞古之有
君子行藏以時進退求己榮必為天下榮恥必為天下

耻苟進不如退不如亦何必用虛偽之文章取榮
名而自美

風琴引

按吳絲雕楚竹高託天風拂為曲一宮商在素空鸞鳴
鳳語翹梧桐夜深天碧松風多孤窻寒夢驚流波愁魂
傍枕不肯去翻疑住處隣湘娥金風聲盡薰風發冷泛
冷一作虛堂韻難歇常恐聽多耳漸繁清音不絕知音絕

析真壇

玉甃瑤壇二三級學仙弟子參差入霓旌隊仗下不下
松檜森森天露濕殿前寒氣束香雲朝祈暮禱玄元君
茫茫俗骨醉更昏樓臺十二遙崑崙縱廣一萬三千里
中有五色雲霞五色水何當斷慾便飛去不要九轉神
丹換精髓

讀李白集

竭雲濤剝巨鰲搜括造化空牢牢冥心入海海神怖驪
龍不敢為珠主人間物像不供取飽飲遊神向玄圃鏘

金鏗玉千餘篇膾吞炙燭人口傳須知一一丈夫氣不
是綺羅兒女言

湘妃廟

湘煙濛濛湘水急汀露凝紅衰蓮濕蒼梧雲疊九嶷深
二女魂飛江上立相攜泣鳳蓋龍輿追不及廟荒松朽
啼飛猩笋鞭迸出堦基傾黃昏一片陰風起新月如眉
生闊水

昇仙行

身不沈骨不重驅青鸞駕白鳳幢蓋飄搖入冷空天風
瑟瑟星河動瑤闕參差阿母家樓臺虛閉凝彤霞五三
仙子乘龍車堂前碾爛蟠桃花回頭却顧蓬山頂一點
濃嵐在深井

弔汨羅

落日倚闌干徘徊汨羅曲冤魂如可弔煙浪聲似哭我
欲考鼃鼃之心烹魚龍之腹爾既啖大夫之血食大夫
之肉千載之後猶斯藏伏將謂唐堯之尊還如荒醉之

君更有逐臣於焉葬魂得以縱其噬恣其吞

贈念法華經僧

念念念兮入惡易念念念兮入善難念經念佛能一般
愛河無處生波瀾言公少年真法器白晝不出夜不睡
心心緣經口緣字一室寥寥燈照地沈檀卷軸寶函盛
蘆蔔香薰水精記空山木落古寺閒松枝鶴眠霜霰乾
牙根舌根冰滴寒珊瑚枝打紅琅玕但恐蓮花十朵一
時折朶朶似君心簇攢又恐風緊吹天花繽紛如雨飄

袈裟況聞此經甚微妙百千諸佛真祕要靈山說後始
傳來聞者雖多持者少更堪誦入陀羅尼唐音梵音相
雜時舜絃和雅薰風吹文王武王絃更悲如此爭不遣
碧空中有龍來聽有鬼來聽亦使人間聞者敬見者敬
自然虛空性清淨此經真體即毘盧雪嶺白牛君識無

行路難

行路難君好看驚波不在黥黥間小人心裏藏崩湍七
盤九折寒嶮碎翻車倒蓋猶堪出未似是非唇舌危暗

中潛毀平人骨君不見楚靈均千古沈寃湘水濱又不
見李太白一朝却作江南客

蜀中送人遊廬山

隱巒 三首

君遊正值芳春月蜀道千山皆秀發溪邊十里五里花
雲外三峯兩峯雪君上匡山我舊居松蘿拋擲十年餘
君行試到山前問山鳥祇今相憶無

贈李粲秀才

字暉冊

隴西暉冊真才子搜竒探險無倫比筆下鈎磨巨闕鋒

胸中靜澹江西水哀絃古樂清人耳月露溥溥激秋鬼苔
地無塵到曉吟杉松老葉風乾起十軸示余三百篇金
碧爛光燒蜀牋雄芒逸氣測不得使我躑躅成狂顛大
郊遠闊空無邊凝明淡綠收餘煙曠懷相對景何限落
日亂岑清倚天又驚大舶帆高懸行濤擘浪凌飛仙回
首瞥見五千仞撲下香爐瀑布泉何事古人誇八斗焉
敢今朝定妍醜颯風驅雨暫不停始向場中稱大手駿
如健鶻鶚與鷗拏雲獵野翻重霄狐狸竄伏不敢動却


下雙鳴當迅颺愁如湘靈哭湘浦咽咽哀音隔雲霧九
疑深翠轉鬼莪仙骨寒消不知處清同野客敲越甌丁
當急響涵清秋鸞雛相引叫未定霜結夜闌仍在樓高
若太空露雲物片白激青皆髣髴仙鶴閒從淨碧飛巨
鰲頭戴蓬萊出前輩歌詩唯翰林神仙老格何高深鞭
馳造化繞筆轉燦爛不為酸苦吟夢乘明月清沈沈飛
到天台天姥岑傾湖涌海數百字字字不朽長擬金此
日多君可倚侶堆珠疊璣滿玄圃終日並轡遊崑崙十

二樓中宴王母

苦熱行

燭龍銜火飛天地平陸無風海波沸彤雲叠叠聳奇峯
皎皎流光熱凝翠煙島搏鵬韁雙翅羲和赫怒強總轡
飲流夸父斃長途始見當中印玉宇明明夜西朝又東
古來有道仍在中扶桑老葉蔽不得暉華直上凌蒼穹
萬人揮汗翻成雨口燥喉乾隘塵土西郊雲色晝冥冥
如何不救生靈苦何山怪木藏蛟龍縮鱗卷鬣為乖慵

不發滂澤注天下欲使風雲何所從早苗原上枯成骸
嶽靈徒祝無神驗豪家簾外喚清風水紋明角鋪長簾
玉扇畫堂凝夜秋歌豔繞梁催莫愁陽烏落盡酒不醒
扶上西園當月樓靡田一作廢田竭死非吾屬庫有黃金倉
有粟



古今禪藻集卷三